

餅水齋詩別集  
烏魯木齊雜詩

玉井寧蓮集  
金闕攀松集



金  
闕  
攀  
松  
集

嚴長明 著

中  
華  
書  
局

Int 40/2704

叢書集成初編

研水齋詩別集（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五

金闕攀松集

此據金陵叢刻本  
排印初編各叢書  
僅有此本

# 序

國朝以詩名者夥矣。然與角去齒。其他著述。往往鮮聞。至講經家。國初若蕭山毛氏、秀水朱氏、乾嘉若陽湖孫氏、洪氏。國朝經學甚盛。此舉一二以例之。其著述傳者孔多。其詩亦卒不稍掩。是詩人不必長經學。而講經家斷無絀于詩者也。第其詩率少作。或學成以後者。中間銳志著書。蓋不暇分力及此。然當遊覽山川。發摠懷抱。則又未嘗無作焉。知此而嚴氏之詩可讀矣。冬友先生強記洽聞。于四部皆有著錄。生平遊迹所到。八九州而四五岳。曰金闕攀松。曰玉井攀蓮者。遊岱遊華之作也。惜其書今都罕觀。不足壓仰慕者之心。戊戌春。偕江陰繆丈筱珊。上元顧丈石公。遊西湖。藉觀錢唐丁氏八千卷樓所藏。然詢以嚴氏諸書。則惟此集有之。益歎先生之書之貴也。急假抄印行。俾仰慕先生者。雖靡從窺其經學之深。或于此集稍識梗概。且先生詩又實能自達其學力者。國朝先正事略。附見文苑中。是豈足以盡先生。光緒二十五年春三月江甯傅春官荅生識于晦齋。

## 金闕攀松集序

乾隆乙未秋。關內不雨。余將禱于華山。時道甫侍讀偕往。展事既畢。窮極幽勝。歸後。侍讀得詩一卷。曰玉井。摹蓮集。假騁。覓腐。雕辨。萬有。而一歸於精簡。余振其致力之適。醉而又惜其用意之刻深也。道甫曰。予近歲所業。固如此。至少時奇服是好。從事遠遊。九州歷其八。五岳登其四。舉凡幽遐穹偉之觀。皆有詩以紀其梗概。因鍤會篋。衍出登岱。一集相質。并屬爲序。其簡首。余覽之。則驚才壯思。絕塵而奔。如仲春氣至。萬木華發。歡雲飲火。而不能徇其翕關之原。其與向所見之采潛而響秘者。固迥異焉。蓋其時年未三十。才力不可一世。而又沈酣六籍。以資給其設施。故其氣充而詞備如是。因憶杜陵云。老去漸于詩律細。而蚤年自述。則在讀破萬卷。下筆有神。昌黎喜無本爲文。漸造平淡。而柳州謂其毛穎諸傳。則如捕龍蛇。搏虎豹。亟與之角。而力不敢暇。信知古之作者。莫不皆然。而余獨怪近今少年。甫窺甲乙。方常有事于儷青妃白。而迺措拾宋人殘藩。務以生躔自文。俾觀者如噉昌歎。食到麥攢眉。楚齒急思屏棄爲快。閱道甫諸詩。豈非起衰變醜之上藥也耶。因慙愚其付鏤木家。以廣其傳。且語道甫。他日再出恆嵩諸作。余尤樂得而序之也。時丙申春二月鎮洋畢沉。

# 金闕攀松集

庚辰

清 江甯嚴長明著

出都後將赴歷城道中作。

楊柳長隄葉葉風。客程連日苦囟囟。國門依舊單車出。驛路行看兩月終。遙憶明湖開歷下。近誰長句擅山東。似聞周李同時在。直恐萍蹤未易逢。都下耳李素伯周書昌名。擬至濟南後過訪。

抵德州雅雨堂遊讌和韻。

別新昌里記年時。手種繁英碧四圍。算是今春不成負。花開時節主人歸。園名尊水記偏西。粉額猶傳侍御題。不是扶筇親導引。樓臺高下路應迷。

別院微聞動鎖聲。曲廊低亞小池清。此間共道宜絲竹。恰喜新翻水調成。觀察近作錦秋湖櫓歌。

參差花外隱更簫。卜夜留懽酒力逾。祇恐又牽遊宦思。二分月上似揚州。

宿泰安訪聶處士劍光兼訂岱岳之遊。劍光以病不果偕行。劍光名敘泰安人。著有泰山道里記泰山金石考二書。

高低竹柏隱茅堂。特地過從話夕陽。腳力衰緣登岱屨。目光損爲閱碑忙。借來邛竹雙枝健。鈔得圖經一

卷強明發虛無勞指點。天門南去樹蒼蒼。

三月一日由岱麓紅門東北取道至石經谷觀北齊人書經暨水簾崖諸勝。

桃源路轉山未深。衣袂已覺浮嵐侵。風光流轉不知遠。一鳥前導如青禽。畫屏幾疊誰爲障。纔到中峯衆

峯向迴眸。瞥見影離離。無數漏痕穿壁上。誰歟刻畫留影泡。高齊筆蹤審不滑。世人率臆肆評泊。巖花應

笑溪蟲蠹。北齊王子椿子武平時爲梁父令嘗八分書金剛經于徂來山筆蹟與此正同明王世懋題疑爲宋元人作悞矣。捫蘿剔蘚思搔拓。忽訝流泉沒雙腳。尋源路轉石

亭東。翠影中驚雪花落。飛淙挂壁逾十尋。心神灑濯毛髮森。就中有句儼琴筑。山空何處來知音。人言汶

口尤清奧。屋上爲三漢溝。有石屋九間。樵子尋常未能到。攬身徑欲試孤筇。倏聽鐘聲潤西廟。孤雲落日行就途。來蹤迴

首空成逋。陰崖何由結茅屋。看碑飲水忘朝哺。

御帳坪觀秦五大夫松作歌

秦皇騎虎遊八極。萬鬼百神俱辟易。惟有西畢偕南箕。離立天門不奉職。始皇遇暴風雨在小天門。飛輪挾石從東來。如

漸離筑。張良椎。自非蒼髯五老互遮蔽。幾令岱畎變作沙邱臺。嗟哉此松封植忘所自。得非青州遺種夏

后肆。洪流九載不復漂。百蟲將軍未曾熟。千劫避過水火攻。來與曾孫作屏衛。秦爲伯益後。我聞松百尺。白號

爲木公。今爵列第九。報稱殊未崇。豈知嬰與樛。趙嬰楊樛。賦皆五大夫從始皇巡行者。雖乏棟梁貴。轉得與斯高。品評不同例。

而我獨惜茲松千歲應有靈。胡不化作白鹿青牛形。俾服御之可長生。免使三千男女採藥去。一船終古搖空冥。胡爲獨闕空巖躅。金闕支離生意足。小天門坊西舊有元龜志。正書書闕金闕四字。友半死之枯桐。結孤生之修竹。徒見漢

唐兩世來登封。又見符瑞三朝志。空谷。宋大中祥符元年。天書見泰山事。具載三朝符瑞志。二千年事何離離。欲作松間松應知。哀哉匪石不能語。但聽蕭蕭風起猶自如秦時。

由對松山北飛龍翔鳳二嶺登十八盤遇大風雨至三天門有作。

左壁如屏右如障。爭長東西不相讓。就中一棧露青冥。天路云從此間上。昂藏七尺付輿丁。曳以長繩挾以纜。如蟻旋磨螻循條。頂踵挨排成一行。前瞻方喜日平肩。後顧忽驚雲壓頂。雲來便作水煙散。雨急還資電雷壯。洪鐘萬斛四山攢。強弩千枝一林放。盤中倏變海茫茫。盤頂空餘天泱泱。去此時黍粒渺單身。耳目精神交混漾。妄思棒土塞天河。不使飛流下千丈。更愁山去化方蓬。高掌還應巨靈仗。陳祈聊解暫時嘲。詎識山靈已陰相。分風特爲掃雰雰。狂出天門高有闕。南天門在十八盤盡處。同遊彳亍幾人來。引手相看幸無恙。遙看傑閣上摩空。閣舊在天門內三靈侯祠。會借仙翁赤藤杖。拄來長獻倚危闌。一覽斜陽下空曠。

唐登封臺在日觀峯西薄暮投宿夜登峯頂觀日出歸後題詩伏虎門壁。

清晨盼天門得上已昏黑。古殿閉虛皇。神燈黯無色。齋心丙夜目不窺。條簫窗紙紅離離。空中似聞海波

溢耳畔如有天雞嘑。闐然走向幡竿石。

石舊名瞻魯臺

東望立同櫛木直。不知咸池去此路幾千。但覺海水羣飛

入胸臆。初時色滂泱。去有若新磨銅。須臾勢隆起。一綫緣長虹。咄哉長虹曷由起復止。南亘魚頭北魚尾。

拂天誰奮義和鞭。敲折玻璃萬條紫。散成朵朵金芙蓉。貼向滄波吹不起。少焉風動蓬山根。播蕩溟渤如

翻盆。就中圓出火一輪。計里遠以三千論。

據徐整長歷說

左敵南離。右敵北戒。大象焉藏。太空焉繫。何龍燭而明。

何麟鬪而晦。胡棄策而莫追。胡揮戈而遽退。安能御六辨。指陽門。郅縯蓋曳緋帟。足踏紺鷄背。飛上搏桑

顛。遠引木公袂。高拍青童肩。親從黃道訴真宰。一證古今扣槃捫籥之譚言。狂歌未了衝瀾起。倏見雲來

若鷗徙。兩翼飛遮萬里光。一時賁育咸披靡。東牟道士劉孟容。自言卅載居山中。曾經五度見鼃采。皆與

此夕神光同。

道士言泰山近海。長有靈氣盈滿。似此瞻觀親切。三十年中。記曾六度而已。皆有歲月。書東天門壁。

鼃磤忽報更籌淺。觀壯如斯志應滿。歸來奮筆寫龍

蛇。惟見兩眼金光不停閃。

岳頂上廟北。懸崖高數十仞。唐元宗紀泰山銘在焉。命工摩拓。賦詩四十韻。以書於後。

有唐六葉全盛時。祖宗錫慶天垂簾。宰衡庶尹各奉職。用康億兆朝蠻夷。名山顯位望恩幸。大官再拜交

陳詞。順天應民本帝道。敢以勞瘁辭驅馳。維時孟冬日在西。水官按節金神隨。箕風吹空畢雨灑。翠旂孔

蓋翻以飛。觀風問俗復施惠。邇者不泄遠不遺。乾封百年父老在。皇儀再觀紛齋咨。齊宮莅止逮三宿。青

雲夜靜神光垂。秦壇翹首峙天半。仰法大象圖如規。用享上帝配高祖。百神以次咸予饗。其下方邱奠社首。曰秦折以侑帝祇。皇考作配視宗祀。餘制悉準升中儀。封維庚寅禪辛卯。至日上下皆恬熙。祥雲九華日五色。瑞光端罩如琉璃。爰升天門叩日觀。對揚帝命詞舒遲。鏤諸玉牒納玉鐙。印受命寶金爲泥。禮成朝官呼萬歲。響答山谷聲同揆。非甚盛德曷臻此。允宜撰刻留屋簷。維帝曰俞可其奏。大文親畫如包羲。秦松伐取作煙墨。漢皇石可丹毫支。上言報天眷顧厚。下言祈福緣烝黎。元元指歸況有屬。好謙示儉策。流慈詞嚴意密堪示後。碑材北面天生宜。厥高三丈寬丈六。字徑五寸仍有奇。鸞翔鳳翥在天表。地上蟲鳥何由幾。胡爲勵精未卅載。妄思端拱垂裳衣。千秋金鏡一朝失。覆瓿頓使前功墮。三塗已裂四扇啓。青驪避地空流離。劍門積石千萬仞。勢與喬岳爭崔巍。經行豈竟無紀述。歸秦但唱淋鈴詩。始知封禪事非古。率由侈泰心潛滋。銀繩金檢白石碣。七十二代誇留貽。告成處所千八百。六經至竟無其辭。王通袁准識尙具。後王何故相攀追。書垂黃素蔭華蓋。故智不越尋常谿。宋大中祥符元年登泰山謝天書述二聖功德銘。在唐刻東面爲後人題名。盡拓之僅得二百二字。十五 我來遊占得大壯。森然魄動神披靡。年深點畫恨小缺。金光猶向蒼崖披。王世貞云。銘下三尺許。爲野火剝蝕。濟南府志。謂葉彬補書。今秦彬所補者百有八字。至銘文南向朝日射之。光氣閃鑒。蓋當時實以金泥爲之填廓也。從臣名姓復可辨。銘後舊有從臣題名。今刻毀殆盡。惟開國公臣李仁德。上柱國臣李元紱。臣尉大雅。臣王敏之。官職姓名尙可辨識。紙行楷劇。惜哉朝覲碑已佚。莫由玉匣同裝池。

初三日由望吳峯東北陟古登封臺是爲泰岳頂展眺作歌

酌蠡者不可以測海坐井者不可以觀天半生學鳩鷃搶在枋榆間一朝飛上大鵬背始信盧敖鄒衍非

狂言前身禽夏誇輕矯記向蓬元事幽討初由金闕望吳闔元君上廟在望吳繼轉瑤臺拾仙草登仙臺在望吳峯西風

雨驚從足下生方州頓向眉間小進步力加猛四顧神飛揚凌虛但一氣正色同蒼蒼欲知大地形何似

九點煙環一杯水遙空更復舉頭看一圓笠覆雙跳丸右傾西北左闕東南六轡之足尙堅硬五色之石

猶爛爛因思靈門當日奏奇績原從此度輪廣規方圓道人引我升元圖登封臺後有太清宮禮罷心同一銖黍前有

千秋今後萬古往不可聞兮來不可覩中間歲月能幾時更沒黃塵復何補吁嗟乎人與溟滓非同科春

風恨少秋霜多舉手便是北斗柄何因作我金叵羅金叵羅酌桂酒誓與茲山長不朽拍茅許之吟肩茅

公暨許接爲啓張劉之笑口元張志純劉耶然歌成一曲隨東風天上人閒兩回首東岳上卿

初四日下山祇謁岱廟謹和謝山司空乙亥歲殿壁勒石元韻並效其體

太微執斗臨紫宮元精合撰呈卑崇靈威仰尤愛所鍾職諸岱使專厥雄維帝出震開東封垂旒彷彿君

雲中日章月采昌以丰外表嚴毅中抱盅金輿山立壁兩轡蒼麟夾侍搖青鬣先以大角倉精龍抵天察

地橫復縱飲海欲漠如長洪莫原厥始要厥終周三千里境未窮高四千丈廓有容天關上下開梯衝左

日右月驚發。騰太清宮碧扉。則彤云亭社首衛若壙。玉符琨瑤埴附崧。配以太華恆衡嵩。壘開精氣相周。通象若侯甸男衛從。扶輿匪特以自豐。德之博者功亦隆。稽古顯頤居空峒。奉火爲祖金爲宗。禹疆佐之。殫靖共導。率元武行。躡躡窮蛇冠珥。追厥蹤。倚燭龍燭山曰鐘。陰火灼冰冰弗融。鳥獸希革草失芄。維靈類。既憂心仲少。碑于召來東蒙。唐臣陸吾若不逢。明威聖者天所工。負甲背虎持六喪。陽門倒挂樽桑弓。竅鑿大塊噓協風。生氣涌出如奔虹。吹萬無復天札凶。谷氣不痺林不癰。時叶光紀心維惴。斥棄輿馬兼僕僮。上之帝所。隲鞠訓。天庭忽荒神罔憫。縮身潛喘。變體同。下奔委羽棲其躬。因是六幕交和。沖靈迺訴。合孚若顙。塵箕舒森畢降。凍凝膏液若乳酪。醴以昌萬載。綏九農。奔走唱于復唱。唱天子時邁嘉迺。高居被飾金碧重。五禮六樂罔不供。奠以蒼壁妃青琮。天酒地汴。導溶溶。奎章下賁光維熊。燁燁羣岳麗燭空。詎等封禪誇成功。七十二代交洵洵。膝書璽玉欺。替懣豈惟麟。風來竟傭黍禾芽亦生不羣。隄余八翼。慚瓊璫。茲何意向天門狎。挈才自魏成牛蠡。含辭欲吐道弗充。迴瞻驚見貞石巋。重若球貝陳三雍。拔吟未已淚落胸。公如天柱頽中峯。元神陟降應在穹。帝震左右鳴珩璫。曷歸乎來牖我衷。闔闔東望雲隨瞻。謁廟後飯環詠亭作。

林扉閒敞殿西偏。春晝來過草色芊。翠壁陰凝疑有雨。古槐根斷忽生泉。吟邊韻落銚撻鐸。劫外碑橫片段煙。亭四周壁上嵌宋元以來登岱詩刻以百餘計。到此可無題字在。質實特地揀勻圓。

延禧殿前唐槐二絕

盤拳雙幹入晴煙。幾見風花殿角前。不柰更詢唐代事。斷碑已失鼠兒年。樹旁有元泰定甲子年碑今佚

與鼎處士別後車上口占

未得從遊聲古懽。河梁朝發不勝寒。岸容清遠看無盡。柳意婆娑別轉難。過眼峰巒雲尙繞。隨身襟袖露初乾。車中擬就詩成卷。待與風人旅夜看。時金棕亭先五日行訂于城子店旅舍相待

道甫同年出示金闕攀松集漫題五言長句於後凡四十韻

長洲吳泰來竹嶼

夙昔慕遠遊。雲旗指寥廓。仗策登岱宗。年少氣騰轡。詆蕩攀天門。倒影窺碧落。東峯摘星斗。一氣辨冥莫。翹首七十君。元雲空漠漠。長呼羨門子。招手控黃鶴。誤落塵網中。羈駒苦束縛。昨來關內道。周覽遍嵩洛。太華揚高旒。橫亘盤地絡。崑崙巨靈掌。千仞露垠堦。巾箱繪真形。欲往神先作。白髮侵塵簪。丹砂負前諾。朝來啓荆關。忽枉霞上作。當面起層巒。警眼出怪壑。似聞列仙侶。蹴踏青蓮萼。聳身俯鴻毛。馭氣攝龍躡。咳唾落九天。因風度笙簫。泉簾汲瀉淪。經略拓崖巒。秦樹蝕荒苔。漢石翳殘鐫。茫茫九點煙。日抱扶桑躡。精心契天倪。高唱振仙鐸。列缺摧層崖。干將鼓靈橐。洪流極莽蒼。往往浮蛟螭。自非餐楓香。誰能屏六鑿。平生山澤交。幾輩耽滄泊。天球耀巖采。光氣升延閣。遂令蕙帳空。猿鳥悲寂寞。看君多

道氣脫屣視人爵。偶辦十年官。浮生只辦十年官。汪退谷詩也。君服官亦僅十年。終尋五湖約。邂逅青門陰。冲襟冰雪嚼。輝煌十賚文。鮑謝恣凌躐。定知青霞蹤。幽討徧衡霍。繫余困蓬藁。夢想煙雲樂。恆河照鬢絲。勝事空如昨。因君動幽興。遐尚共所託。願言極霞裾。遠訪崑玉脚。碧湖掇芝英。紫峰摘靈藥。相期尋汗漫。獨往無攔觸。歲月真龍禽。古今比邱貉。息壤非虛言。下士謾驚愕。